



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Toletano Et Compostellano Archiepiscopis.

urn:nbn:de:hbz:466:1-20020

LVNDENSI ARCHIEPISCOPO
apostolica sedis Legato.

*Epiſt. 14.
Confirmitur
Legatus aposto-
licae sedis.*

Illam de probitate ac honestate tua fiduciam obtinemus ut tibi vices nostras securè in arduis negotiis committamus, sperantes quòd ad divini nominis gloriam & apostolicae sedis honorem ea satages promovere. Cùm igitur Chirstianæ fidei zelo succensus, ad convertendum circumstantes paganos ab errore ad veritatem non modicum laboraveris & adhuc laborare disponas, ut hoc pleniū & efficacius exequaris, nos tibi vices nostras duximus committendas, venerabilibus fratribus nostris Vpsalensi Archiepiscopo & suffraganeis ejus Episcopis ac aliis Ecclesiarum Prælatis per Daciam & Suetiam constitutis per scripta nostra mandantes ut tibi ad hoc opus fideliter laboranti tamquam Legato apostolicae sedis intendant, ut eorum adjutus auxilio, talentum tibi commissum cum multiplici nobis lucro resignes, cùm te à prædicationis officio Deo duce contigerit remeare. Nos enim liberam tibi concedimus potestatem ut juxta verbum propheticum evellas & destruas, & ædifices & plantes, prout utrumque secundum Dominum videris faciendum. Datum Laterani 11. Non. April. pontificatus nostri anno quintodecimo.

TOLETANO ET COMPOSTELLANO
Archiepiscopis.

*Epiſt. 15.
De bello ad-
versus Sarra-
cenos.
Vide lib. 14.
cap. 3. 4.*

Quanta nunc necessitas terræ Hispaniarum immincat, eo pleniū prudenter vestra novit quò ipsam vicinius experitur. Eapropter fraternitati vestre per apostolica scripta mandamus & districte præcipimus quatenus Reges Hispaniarum moneatis prudenter & efficaciter inducatis ut pacem aut treugam servet ad invicem illibatam, præsertim hac imminentia Sarracenorum guerra durate; ad quod eos per censorum ecclesiasticam appellatione remota, si necesse fuerit, compelli volumus & mandamus; quin etiam mutuum auxilium sibi præstent adversus crucis dominicæ inimicos, qui non solum ad destructionem Hispaniarum aspirant, verùm etiam in aliis fideliū Christi terris comminuantur suam saevitiam exercere ac nomen, quod absit, si possint, opprimere Christianum; auctoritate nostra tam ipsis Regibus quam aliis Christianis omnibus sub poena excommunicationis & interdicti firmiter inhibentes ne se præsumant jungere Saracenis, vel contra Christianos illis consilium vel auxi-

lium impetriri. Quòd si fortè Rex Legionensis, de quo specialiter dicitur, sive alius cum Saracenis offendere præsumperit Christianos, denuntietis sublato appellatio[n]is obstatculo personam ipsius excommunicationis vinculo innodatam & interdicto suppositam terram ejus; hominibus suis, ne in hoc sequantur eundem, sub interminatione anathematis inhibentes; denuntiatur nihilominus Reges alios & quilibet Christianos ac terras eorum eidem sententiis subjacere, si forsitan ipsi præsumunt Regem offendere attentarent, homines eorundem ab ipsis sequela prohibitione consimili retrahendo. Præterea ex parte nostra injungatis eisdem ut si aliquas habent ad invicem quæstiones, propter instantem necessitatem illas ad tempus persequi differant, & tempore opportuno, cùm potentes existant, ad presentiam nostram tam procuratores quam testes & alia qua ad causam fuerint necessaria delinquentur, suam coram nobis justitiam prolequantur, cùm per alios orta inter eos, quamquam multotiens sit tentatum, terminari nequeant quæstiones, & nos ipsis Deo auctore curabimus iustitiae plenitudinem exhibere. Sic autem præceptum apostolicum circumspecte persequamini ac districte ut sollicitudo & diligentia vestra clarent in effectu, & reprehendi meritò non possitis de negligentia vel contemptu, sed de studio & obedientia potius commendari. Datum Laterani Non. April. pontificatus nostri anno quintodecimo.

PETRO ABBATI MONASTERII
*sancti Angeli quod situm est in suburbio Pif-
toriensis, ejusque fratribus iam presentibus
quam futuri regularem vitam professis in
perpetuum.*

Quod si nobis petitur quod reli-
gioni & honestati convenire dinoscitur, animo nos decet libenti concedere & potentium desideriis congruum suffragium impetriri. Eapropter, dilecti in Domino filij, vestris justis postulationibus clementer annuimus, & præfatum monasterium sancti Angeli, in quo divino etsi obsequio mancipati, ad exemplar felicis recordationis Clementis Papæ prædecessoris nostri sub beati Petri & nostra protectione suscipimus & præsentis scripti privilegio communimus. In primis siquidem statuentes ut ordo monasticus, qui secundum Deum & beati Benedicti regulam arque institutionem fratrum Vallifumbrosie in eodem loco institutus esse dinoscitur, per